



Bentiaraq Ottosen

UKA 2023/135

Atassut

25. oktober 2023

**Nunatsinni nammineq immiorneq inerteqqutaajunnaarsinneqarluni immiassanillu eqqussisoqarsinnaalerneratigut inuiaqatigiinni qanoq sunniuteqarsinnaanera pillugu apeqquqteqaat aallaavigalugu oqallisissiasatut siunnersuut.**

(Atassutip Inatsisartuni ilaasortaataitai)

Inuit oqaluttuarisaanerat tamangajaat immiorneq ileqquusimavoq. Inuit ukiut 7.000-it immiorneq atugarisimavaat. Allaammi USA nunarsuarmi nunani imigassap tungaatigut sukanganerpaajusut ilaanni inerteqqutaanngilaq. Nunanili muslimiusuni upperisatigullu aqunneqartuusuni inerteqqutaakkajuttarluni, soorlu Irak aamma Malaysia.

Nunarsuarmi nunat naalagaaffiit namminersortut amerlanerpaat immiorneq inerteqqutaatinngilaat. Taamaammat maanna oqallisigissallugu tulluorsorinarpoq aamma nunatsinni inerteqqutaajunnaarsinneqassanersoq. Apeqqutaaginnalerunarporlu uagut nammineerluta Kalaallit tatiginerigut. Uagut Atassummiit kalaaleqatigut tatigivagut, qulaaniillu inerteqqusersuinerujussuaq akerleralugu.

Inuit imigassartornerulissappat? Isumaqarpugut inuit imigassartorusuttut imigassartussaqaartut immiorneq inerteqqutaappat inerteqqutaanngippalluunniit. Uanilu oqallissaarummi immiaaraliassanik viinniliassanillu pisisinnaanngornissaq pineqarpoq. Ersaripporlu uku qangatut sakkortuumik imminortarneq pinaveersaartikkumallugu siunertaqartoqartoq. Tamakkumi ulorianarsinnaammata.

Qilanaarinikuuarput takussallugu maani inersuarmi partiini sorliit Kalaallinik tatiginninninersut, namminerlu eqqarsarsinnaassuseqartutut akisussaassusilittullu innuttaasunik isiginninersut paasissallugit. Taamatut naggaserlugu alloriaatissap tullissaanut piareersimalluta siunnersuuteqartumut qujavugut.